

大洗磯前大明神本縁

常陸州鹿島郡宮田邑今称磯浜大洗磯前鎮座大明神者大巳貴命少彦名命二神也

曰稽神代 天照大神皇弟素戔雄尊行至出雲 以稻田姬為妃生大巳貴命 而少彦名命者高皇產靈尊第二子也 乃建神籬於山城西洞院五條松原 称五條天神以為 皇朝医家之祖神 紀州淡島明神亦少彦名命也 二神勳力一心經營天下為蒼生及畜產定療病禁压之方法 萬世咸蒙恩顧

大巳貴命嘗謂少彦名命曰 吾所造之國豈謂善成之乎 少彦名命對曰 或有所成或不成 此談也蓋有幽深之致焉

其後少彦名命至常世鄉 大巳貴命獨至出雲國乃言曰 今理此國唯吾一身 其可興吾共理天下者蓋有之乎 時神光照海忽有浮來者曰 如吾不在汝何能平此國乎 由吾在汝得建其大造之績矣 大巳貴命問曰然則汝是誰耶 對曰吾是汝之幸魂也 大巳貴命曰唯然 今欲何處住耶 對曰欲住于大和國三諸山 即宮宮室使就而居 此大三輪之神也

天照大神勅高皇產靈尊欲立皇孫瓊杵尊以為葦原中国之主 先是遣三使 皆不報聞 於是遣經津主神香取明神武甕槌神鹿島明神令平葦原中国 二神至出雲五十田狹小汀 大己貴命曰 天神欲降皇孫君臨此地 汝意如何 當不避不 大己貴命對曰當問我子 遣使三穗碕 致天神勅於事代主神大和葛城明神 乃報曰天神之勅何得拒 君宜避之兒亦不可拒父子終當避去 矣大己貴命謂二神曰 吾如防禦則国内諸神同拒之 今我即去誰又有不順者 乃以廣矛授二神曰 我以此矛平治邦域 天孫若用此矛治国闔境當平安言訖隱去

此時大己貴命第二子健御刀命欲拒天孫 經津主神慰諭以信濃諏訪郡封為父母之休澤 不藉天神之恩勅使居于 此諏訪大明神是也

終使天孫降臨葦原中州者皆大己貴命之功績也 天神嘉之造天日隅宮於出雲使居之 杵築大社也

崇神天皇七年 詔以國家數有災害 恐取咎於神祇 幸神淺茅原卜之祭大物主神 然無驗 天皇齋戒再祈夢 神自称大物主神曰 何患國之不治乎 以吾兒太田田根子祭吾則天

下立平海外婦服 乃使田根子祭之 定天社国社神地神戶
於是疫疾始息年豐民安 所謂大物主神即大己貴命也

此神凡有七名 曰大国主神 曰大物主神 曰大己貴命
曰葦原醜男 曰八千戈神 曰顯国玉神 曰大国玉神 聞其
名可以知其実矣 其子凡有一百八十一神 後以七名為近江
日吉七社 配天之七星 其餘諸州鎮座不可勝數 其列二十
二社者大和大神石上日吉下鴨松尾等皆大己貴命也 載在神
籍可以考信

文德天皇齋衡三年十二月戊戌 常陸国上言 鹿島郡大洗
磯前有神新降 初郡民有煮海為鹽者夜半望海光耀属天 明
旦有兩怪石見在水次 高各尺許體於神造非人間石 鹽翁私
異之 去後一日亦有二十餘小石 在向石左右似若侍坐 彩
色非常或像沙門唯無耳目 時神憑人曰 我是大奈母知少比
古奈命也 昔造此国訖去往東海 今為民齋更亦來歸 至今
八百五十餘年其石巖然存焉

天安元年大洗磯前及那珂郡酒烈磯前二神定為官社 蓋兩社草創在齋衡天安間 延喜之朝載之於式以為明神 爾來星霜綿邈鎮于海表奠安黎庶 元勳偉績煥乎 盛哉靈應休徵無時而輟匪 今斯今振古如茲

水戸城東大洗磯前社大巳貴命少彥名命棲神之地也 鎮座久靈應益著 往時遭兵火文書無一存者 今使撰定本縁壹卷以藏于本社 冀黎民蒙庇麻之貺 邦家受岡陵之祉 韓子曰神之所依者惟人人之所事者惟神 神其鑒諸

正德五年歲次乙未八月？旦

權中納言從三位 鳳山源